



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

---

**KERATAN AKHBAR  
DAN MEDIA ONLINE  
UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

---

**14 JUN 2021 (ISNIN)**



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

---

**KERATAN AKHBAR  
DAN MEDIA ONLINE  
(KPDNHEP)**

---

---

**14 JUN 2021 (ISNIN)**

# Pastikan harga barangan pertanian stabil

**Teluk Intan:** Kementerian Perdagangan Dalam Negeri dan Hal Ehwal Pengguna (KPDNHEP) bekerjasama dengan Kementerian Pertanian dan Industri Makanan (MAFI) dalam usaha memastikan bekalan serta harga barangan pertanian sentiasa stabil.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid, berkata usaha itu dilakukan untuk situasi menang-menang antara petani dengan pengguna.

Beliau berkata, ia bagi memastikan petani dan penternak tidak teraniaya, manakala pengguna mendapat harga berpatutan.

"Kita memang ada hubungan rapat dengan MAFI kerana Kementerian itu menjaga peladang,

kita pula menjaga pengguna. Jika kita kekurangan ayam, kita tiada kuasa untuk keluaran (bekalan), tetapi (isu) harus bawah kita.

"Hubungan kita ter-lalu rapat. Jika ada masalah, kita akan berbincang," katanya kepada pemberita selepas melakukannya lawatan dan pemeriksaan minyak masak serta pematuhan prosedur operasi standard (SOP), di sini semalam.

Rosol Wahid

Beliau berkata, setakat ini pihaknya tidak menerima sebarang aduan berkaitan kenaikan harga sayur di pasaran, sebaliknya ada penuru-

nan harga berbanding ketika musim perayaan sebelum ini.

"Contohnya cili ketika musim perayaan kita menetapkan harga RM15 sekilogram, hari ini RM6 sekilogram. Harga ini bergantung pada jenis kesegaran sayur, namun jika ada maklumat (kenaikan harga) boleh maklumkan kepada kita," katanya.

Di **Kuala Selangor**, Timbalan Menteri Pertanian dan Industri Makanan II, Datuk Che Abdullah Mat Nela-

wi, berkata stok semasa bekalan ikan di negara ini dijangka mencukupi sepanjang tempoh pelak-

sanaan Perintah Kawalan Pergerakan (PKP) 3.0.

Beliau berkata, bekalan ikan diperlukan pengguna negara ini dianggarkan kira-kira 155,000 tan metrik sebulan.

"Stok semasa bekalan ikan negara ketika ini ialah kira-kira 185,000 tan metrik sebulan, dan dijangka mencukupi sepanjang tempoh sekatan pergerakan pergerak nuan PKP. Pengguna dinasihatkan tidak bimbang ataupun membuat pembelian panik kerana bekalan nya adalah mencukupi," katanya dalam kenyataan, semalam.

Terdahulu, beliau mengadakan tinjauan ke Kompleks Lembaga Kemajuan Ikan Malaysia (LKIM) Kuala Selangor dan Pasar Nelayan Sungai Yu untuk melihat ke-langsungan bekalan makanan

serta operasi rantaian pemasaran ikan.

Dalam pada itu, Che Abdullah memaklumkan, terdapat 89 pasar nelayan bawah seliaan LKIM.

Selain itu, katanya, LKIM juga mempunyai 33 Pusat Pengumpulan dan Pengedaran Ikan (CCDC) di seluruh negara.

Beliau berkata, jualan pasar nelayan di seluruh Selangor ialah 82,058.85 kilogram (kg) dianggarkan bernilai RM1.5 juta bagi tempoh Januari hingga Mei lalu.

"Jualan pasar nelayan seluruh negara sepanjang tempoh sama pula ialah 2.16 juta kg dengan nilai jualan RM24.4 juta. Pendaratan ikan di seluruh Malaysia berjumlah 41,364.82 tan metrik dengan nilai RM164 juta bagi tempoh sama," katanya.



Rosol Wahid



# Pastikan harga produk tani stabil

KPDNHEP, MAFI kerjasama rapat bagi memastikan petani, penternak dan pengguna tidak teraniaya

Oleh SAIFULLAH AHMAD

## TELUK INTAN

**K**ementerian Perdagangan Dalam Negeri dan Hal Ehwal Pengguna (KPDNHEP) bekerjasama rapat dengan Kementerian Pertanian dan Industri Makanan (MAFI) bagi memastikan bekalan serta harga produk pertanian stabil.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, kedua-dua kementerian sentiasa berbincang bagi memastikan petani dan penternak tidak teraniaya manakala pengguna mendapat harga yang tidak terlalu mahal.

Menurutnya, usaha itu dilakukan bagi memastikan wujudnya situasi menang-menang antara petani dan pengguna di negara ini.

“Kita memang mempunyai hubungan yang rapat dengan MAFI kerana MAFI jaga peladang, kita jaga pengguna. Kalau kita kekurangan ayam kita tak ada kuasa untuk keluarkan tapi isu harga di bawah kita. Hubungan kita terlalu rapat,



Rosol (kanan) meninjau bekalan minyak masak di sebuah pasar raya di Teluk Intan sempena lawatan dan pemeriksaan minyak masak dan pematuhan SOP di sekitar bandar itu pada Ahad.

jika ada masalah kita akan bincang.

“Begitu juga dengan harga minyak masak.

“Kita bekerjasama rapat dengan Kementerian Perusahaan Perladangan dan Komoditi kerana mereka yang proses minyak manakala harga kita,” katanya kepada pemberita selepas mengadakan lawatan dan pemeriksaan minyak masak serta pematuhan prosedur operasi standard (SOP) di sekitar bandar Teluk Intan pada Ahad.

Sementara itu, Rosol memaklumkan sehingga kini pihaknya tidak menerima sebarang aduan berhubung kenaikan harga sayur.

Katanya, harga sayur di pasaran ketika ini berpatutan malah terdapat sayur yang mengalami penurunan harga berbanding ketika musim perayaan sebelum ini.

“Contohnya cili, sebelum ini ketika musim perayaan kita tetapkan harga RM15 sekilogram, hari ini RM6 sekilogram.

“Harga juga bergantung kepada tahap kesegaran sayur, yang segar mungkin mahal sikit tapi kalau ada maklumat (kenaikan harga) boleh maklum kepada kita,” katanya.

Dalam perkembangan lain, beliau menjelaskan tahap pematuhan SOP dalam kalangan pengguna dan peniaga amat tinggi sepanjang tempoh tinjauan yang dilaksanakan.

Katanya, penguatkuasaan pematuhan SOP sepanjang tempoh pelaksanaan Perintah Kawalan Pergerakan (PKP) 3.0 telah menghasilkan 160 kes melibatkan syarikat dan individu yang gagal mematuhi SOP dengan nilai kompaun RM1.09 juta.

## Kerjasama KPDNHEP, MAFI pastikan harga, bekalan stabil

**TELUK INTAN** – Kementerian Perdagangan Dalam Negeri dan Hal Ehwal Pengguna (KPDNHEP) akan bekerjasama dengan Kementerian Pertanian dan Industri Makanan (MAFI) bagi memastikan bekalan dan harga barangan pertanian kekal stabil.

Kerjasama tersebut juga bertujuan memastikan petani dan penternak tidak teraniaya dan dalam masa yang sama pengguna pula mendapat harga berpatutan.

Timbalan Menteri KPDNHEP, Datuk Rosol Wahid berkata, usaha berkenaan adalah untuk memastikan situasi menang-menang antara petani dan pengguna.

“Kita memang mempunyai hubungan rapat dengan MAFI kerana mereka jaga peladang, kita jaga pengguna.”

“Kalau kita kekurangan ayam kita tiada kuasa untuk keluarkan (bekalan) tetapi harga di bawah kita. Jika ada masalah kita akan bincang,” katanya selepas melakukan pemeriksaan minyak masak dan pematuan prosedur operasi standard (SOP) di sekitar Teluk Intan semalam.



**ROSOL (kanan)** semasa melakukan pemeriksaan minyak masak di sebuah pasar raya di Teluk Intan semalam.

Menurut Rosol, sehingga kini pihaknya tidak menerima sebarang aduan berhubung kenaikan harga sayuran di pasaran, malah terdapat penurunan harga berbanding ketika musim perayaan sebelum ini.

Dalam perkembangan lain, Rosol turut memaklumkan, sebanyak RM1.09 juta kompaun di-

kutip KPDNHEP melalui 160 kes berkaitan pelanggaran pematuan SOP.

Ia membabitkan syarikat dan individu yang gagal mematuhi SOP mengikut Akta 342 sepanjang tempoh pelaksanaan Perintah Kawalan Pergerakan (PKP) 3.0 yang bermula 1 hingga 11 Jun lalu.